



Os medios de transporte

Substantivos

Medios terrestres

ambulancia
autobús




autocar
automóbil
camión cisterna
camión de carga
camión de envorco
camión do lixo
camioneta
camión formigoneira
caravana
carreta
carro
carromato
carroza
carruaxe
ciclomotor
coche [automóbil]
diligencia
escavadora
funicular
jeep
microbús
metro
moto [motocicleta]
motocarro
motocicleta [moto]
ómnibus
quitaneves
remolque
remonte [telesquí]
sidecar

tándem
tanque
tartana
taxi
telecadeira
teleférico
telesquí [remonte]
tractor
tráiler
tranvía
tren
tren monorraíl
triciclo
trolebús
velocípede
zorra


Medios acuáticos

acoirazado
arrastreiro
bacallaeiro
balandro
baleeiro
balsa [xangada]
barca
barcaza
barco
batel
bergantín
boniteiro
bote



bou
buque
canoa
carabela

cargueiro
catamarán
chalana
chalupa
corbeta
crebaxeos
cruceiro
destrutor
dorna
draga
dragaminas
gabarra
galeón
galera
gamela
gardacostas
goleta
góndola
iate
kayak
lancha
palangreiro
paquebote
pesqueiro
petroleiro
piragua
planadoira
portaavións
remolcador
rompexeos
submarino



traíñeira
transatlántico
transbordador

vaca
vapor
veleiro
xangada [balsa]
xunco chinés

Medios aéreos

á delta
aerobús
aeronave
aeroplano [avión]
astronave [nave espacial]
avión [aeroplano]
avioneta
bombardeiro
caza
cepelín [dirixible]
dirixible [cepelín]
foguetes espacial
globo




helicóptero
hidroavión
módulo lunar
nave espacial [astronave]
planador
transbordador

Do automóbil

acelerador
agarradoiro
antena
aparcadoiro
aparcamento
acendido
área de servizo
asento

Léxico

automobilista
baca [portavultos]
bucina [buguina]



buguina [bucina]
cadeira para nenos
camioneiro
capó
chasis
chofer [conductor]
cinto
cocheira
concesionario
condutor [chofer]
contaquilómetros
defensa [parachoques]
depósito
derrapaxe
eixe
embrague
faro
freada
freo
garaxe
gasolineira
intermitente
limparabrisas
luz
maleteiro
manubrio
motor
panca
parabrisas
parachoques [defensa]
pedal
pina
pneumático
porta
portavultos [baca]
retrovisor
suspensión
viseira
volante

Do tren
agullas
apeadeiro
barreira
carril
coche
compartimento
consigna
despacho de billetes
estación
ferroviario/a
gardaagullas
gardabarreira
horario
locomotora
maquinista
mozo/a de estación
paso subterráneo
plataforma
portelo
raíl
revisor/ora
travesa
túnel
vagón
xefe/a de estación

Da bicicleta
amortecedor
asento [sela]
barra
bomba de aire
cadea
cadro
catarina
dínamo
faro
freada
freo
gardalamas
guiador
pedal
pina
piñón
pneumático
prato da roda
roda
sela [asento]
velocímetro

Do barco
amarra
amarradoira [bita]

amura
áncora
ancoradoiro [fondeadoiro]
andarivel
arboradura
babor
baliza
barqueiro/a
bita [amarradoira]
bitácora
bodega
boia
borda
cabo
cabrestante
camarote
capitán/á
carga
castelo
cheminea
compás
contramestre
cuberta
dique
escota
espigón
estacha
estaleiro
estibador/ora
estribor
estrobo
faro



flotador
folio
fondeadoiro [ancoradoiro]
hélice
leme [temón]
mariñeiro/a
mascarón
mastro
morrón
motor

navegante
ollo de boi



peirao
popa
porto
proa
quilla
radar
relinga
remador/ora
remo
rizón
rompente
salvavidas
sentina
sonar
temoeiro
temón [leme]
tolete
tripulación
tripulante
varadoiro
vela
verga
zapón

Do avión

á, ala
aeródromo
aeroporto
alerón
aspa [pa]
auxiliar de voo
aviador/ora
babor
bodega de carga
cabina de pilotaxe
capitán/á
cola
comandante
compartimento de pasaxeiros
controlador aéreo

estribor
fuselaxe
hangar
hélice
heliporto
morro
motor
pa [aspa]
paracaídas
pasarela
patín de aterraxe
piloto
piloto automático
pista
porta de emerxencia
radar
rotor
temón
terminal
torre de control
tren de aterraxe
turborreactor
xanela

Vías de comunicación

autoestrada
beiravía
camiño
canle
carreiro [senda, vieiro]
circunvalación
congostra [corredoira]
corredoira [congostra]
cruzamento [intersección, encrucillada]

curva
encrucillada [intersección, cruzamento]
estrada
intersección [cruzamento, encrucillada]
paso a nivel
ponte
recta
rodeira
senda [vieiro, carreiro]
túnel



vía férrea
vía rápida
vieiro [carreiro, senda]

Verbos

abordar
acelerar
adiantar
afundir(se)
aluar
amarar
amarrar
ancorar [fondear]
aparcar [estacionar]
apear
arborar
arriar

arribar [atracar]
arrincar
aterrar
atracar [arribar]
atropelar
avanzar
bordear [flanquear]
capitanear
chegar
chocar [colisionar]
circular
circundar [circunvalar]
circunnavegar
circunvalar [circundar]
colisionar [chocar]
conducir
consignar
consumir
cruzar
derrapar
desamarrar
desarborar
descarrilar
desembarcar
desembragar
despegar
desviar
embarcar
embarrancar [varar, enca-llar]
embragar
encallar [embarrancar, va-rrar]
enrolar
envorcar

Léxico

erguer [izar]
estacionar [aparcar]
estibar
facturar
flanquear [bordear]
fondear [ancorar]
frear
guiar
izar [erguer]
marear(se)
naufregar
navegar
pairar
parar
partir
pilotar
planar
recuar [retroceder]
remar [vogar]
remolcar
reparar
retroceder [recuar]
saír
sobrevolar
transbordar
transitar
transportar
varar [embarrancar, enca-llar]
viaxar
vogar [remar]
xirar
zigzaguar



Actividades



1. Completa cada oración coa palabra que mellor lle vai. Consulta un dicionario se o precisas.


traxecto - itinerario - treito - viaxe

- Na miña en tren a Madrid coñecín uns rapaces de Ourense.
- Compramos un mapa para preparar o da excursión.
- Da miña casa á praia hai un duns dous quilómetros.
- Naquel fomos máis amodo para contemplar mellor a paisaxe.



Actividades

2. Indica, co número correspondente, o nome de cada un dos elementos sinalados nesta estación de ferrocarril.



altofalante →

viaxeiro →

xefa de estación →

despacho de billetes →

carro portaequipaxes →

consigna →

plataforma →

vagón →

vía →

revisor →

horario →

equipaxe →

paso subterráneo →

travesa →

locomotora →

tren →

portelo →

raíl →

maquinista →

aparcadoiro →

3. Identifica o elemento extraño en cada serie. Xustifica as túas respostas.

tándem - carro - velocípede - triciclo

Elemento extraño: Xustificación:

sobrevoar - aterrar - vogar - planar

Elemento extraño: Xustificación:

mascarón - cabo - estacha - amarra

Elemento extraño: Xustificación:

4. Localiza neste texto as palabras que corresponden ás definicións que damos despois.

As estachas estaban sucias de graxa, retortas. Anoábanse cun lazo férreo e sinxelo a un tempo, moi seguro, pero tan doado de desfacer coma un castelo de naipes. Unha motora, o auxiliar do Paz, arqueaba a súa antena coa elegancia dun florete disposto a espertar unha ducia de gaivotas.

O porto estaba feito de enormes bloques de pedra de granito, redondeados polas ondas, gastados, pulidos, renegridos de aceite e gasóleo. Unha fileira de morróns, cogomelos de ferro estrados con fariña de peixe, debruzábanse á beira do cantil.

Polo demais, moito lixo. Moreas de redes vellas rotas, refugadas, de nailon azul ou de cor indefinida, táboas escanastradas, nasas de descomposta armazón metálica, enferruxadas, inútiles.

No medio daquela desfeita, abraiaba a elegancia do Riosil, recién pintado de vermello da bita á quilla, fachendosa a proa, as amuras decoradas con franxas brancas e verdes, e embaixo delas o folio do barco 3.a-VI-6-474. Era un potente arrastreiro, 700 CV, saído do estaleiro de Vulcano en 1970: tiña case trinta metros de proa a popa, e podía levar 62 toneladas de carga. Sesenta e dous mil quilos. Coma quen, todo o peixe do Gran Sol.

O moito colorido do barco chamaba a atención no porto: castelo de ferro en azul e branco, a cheminea vermella a xeito co casco, e o respiradeiro en amarelo.

Unha tropa de xente ía e viña pola cuberta, feita de táboas de madeira pintadas de verde, perfectamente aliñadas. Acababan de izar a bordo un aparello novo, noviño do trinque, e o contramestre esixía que ouriñase nel unha muller virxe, antes de saír ao mar.



Valentín Carrera, *Riosil*

- Lugar onde se constrúen ou reparan barcos. →
- Parte dianteira dun barco. →
- Parte traseira dun barco. →
- Pavimento superior dun barco. →
- Parte máis alta da cuberta superior dun barco. →
- Parte do costado dun barco por onde comeza a estreitarse na proa. →
- Matrícula dunha embarcación. →
- Poste de ferro situado no chan do peirao para amarrar os cabos máis fortes das embarcacións. →
- Poste de madeira ou ferro situado na proa das embarcacións ao que se amarran os cabos. →
- Peza forte de madeira ou metal que vai da proa á popa na parte inferior dunha embarcación e suxeita a súa estrutura. →
- Barco que se dedica á pesca de arrastre. →
- Cantidade de cousas que poden ser transportadas por un barco. →
- Oficial ou mariñeiro con experiencia que dirixe os traballos e tarefas dos outros mariñeiros. →
- Cabo groso que se utiliza, por exemplo, para remolcar ou amarrar un barco. →




Actividades

5. Asocia e ordena as sílabas de cada cor ata formar o nome de oito partes do coche.

gue	bu	lan	ca	a	pneu	em	fre
ti	mor	fa	bra	te	dor	vo	ce
ro	na	os	te	má	ci	pó	co

-
-
-
-
-
-
-
-

6. Resolve este encrucillado, composto por verbos relacionados cos medios de transporte.



- ▶ Cargar ou descargar no porto as mercancías dos barcos.
- ▶ Quedar detido un barco por tocar coa area ou as rochas do fondo.
- ▶ Elevar as velas dun barco.
- ▶ Saír un tren ou un tranvía fóra do seu carril.
- ▶ Chegar un barco ao porto.
- ▶ Descender ou pousarse en terra un avión.
- ▶ Arrastrar un barco ou un vehículo por medio dunha corda, dun cabo ou dunha cadea.
- ▶ Pousarse unha nave espacial na superficie da lúa.
- ▶ Pasar un vehículo en movemento por enriba de alguén ou algo e causarlle algún dano.
- ▶ Poñer algo boca abaixo; por exemplo, un vehículo nun accidente.

7. Reescribe estas oracións corrixindo os castelanismos que conteñen.

- Segundo o mecánico, hai que cambiar os amortiguadores e a palanca de cambios.

.....

- Un coche volcou na autopista por exceso de velocidade.

.....

- Entrar no muelle con este mar é perigoso, mellor botamos a ancla nese fondeadoiro.

.....

- Subindo na telesilla, viamos os nenos baixando pola neve cos seus trineos.

.....

- Parei o coche no arcén da carreteira porque tiña un problema cos frenos.

.....